

Ndwen lai daeuj, gou itcig cungj gvaqniemh ndaek “rinbohlwg” lumj-liuxliux, sawj vunz ngeixlaeg ngeix-gyae haenx.

Bineix ngoenzciet “Sam Nyied San” aen gih raeuz cuenggyaj geizgan, gou caeuq baengzyoux guhdoi bae Gvangjdungh Swngj Fozsan Si Daliz Cin guhcaemz. Gizde miz aen gingjdiemj ndeu heuhguh “Nanzgoz Dauzyenz”, miz haujlaiq gingjsaek gyaunde, hawj gou geiq ndaej ceiq laeg de dwg ndaek rin yienghcej geizheih ndeu. De youz song aen bouhfaenh habbaenz. Baihswix beij baihgvas hung. Daj gyae yawj bae, ndaek rin neix couh lumj bouxlaux swzsienh umj boux lwnyez youq ndaw rungj nei.

Vunz bonjdieg lwnh raeuz: “Yienzlaiz ndaek rin neix baihswix beij seizneix hung lai lo, hoeng ciengznienz deng rumz ci fwn daj, seizgan nanz le, couh menhmenh bienq iq haujlai lo. Hoeng baihgvas de cix mbouj gemjnoix saekdi, lij hung lumj codauez. Aenvih ndaek rin neix mbiengjswix lumj daxboh, mbiengjgvaz lumj lwnyez, “daxboh” cingq caenhsim baujhoh “lwnyez”, bohgyaez fouzsei, hawj vunz gamjdoengh, sojlaiz gyoengqvun heuh de guh “rinbohlwg”.

Seizde, gou nyaenx mbouj ndaej siengj daengz boh gou, daj iq daengz hung, de hix lumj “rinboh” baujhoh “rinlwg” nei, caenhsim caenhrenz gyaezhoh gou. Geiq ndaej gou doeg gauhcungh ngeih nienzgaep bi haenx, aenvih gyanghaemh yaek hwnjdangz, cungj dwg daengz gig haemh cij ndaej cuengqhag. Daxboh simyou gou mbouj ancienz, couh moix haemh caeuxcaeux couh daeuj daengz yozyau caj gou cuengqhag, ciep gou ma ranz, itcig genhciz le bi ndeu, fwnrumz mbouj gaj.

Miz haemh ndeu, gou youq ndaw gyausiz hwnjdangz, yawj rog cueng, cij

sanjvwnz

Gamjniemh Rinbohlwg

感念父子石

□Vangz Lihoz/黄利和



raen gwnzmbwn laepcupcup, fwj-ndaem lumj yaek nem gwnz dieg ityiengh. Gofaex deng rumzhung bongj ndaej doeng laemx sae ngeng lo. Yaep ndeu, mbwn couh doek fwn hung lo, ndik raemxfwn hung lumj naed duh nei, daj gwnz cuengbohliz, “bili bala” yiengj mbouj dingz.

Fwn itcig doeksasa, daengz roengzdangz lo hix mbouj dingz. Gou gang liengj byaij ok bakdou yozyau, sibgvenq dwk byaij coh baihswix bakdou yozyau go faexrenh haenx — daxboh bingzciengz couh dwg youq gizde caj gou. Dang gou byaij daengz laj gofaex seiz, cix mbouj raen daxboh. Gou saetmuengh youh simgip yawj bae yawj dauq, maqmuengh daxboh vaiqdi daeuj ciep gou. Hoeng, buenq diemjcung gvaqbae lo, lij mbouj raen daxboh.

Seizhaenx fwn yied doek yied hung. Gou siengj, aiq dwg fwn doek hung lai, daxboh mbouj daeuj lo. Ndigah, gou gietdingh gag byaij ma ranz.

Gou ngamq yaek byaij, couh dingqnyi gij sing daxboh: “Dahseiq, Dahseiq, caj gou ……” Gou sikhaek cienq ndang gvaqdaej, raen ndaw fwn miz boux vunz ndeu coh gou buet daeuj, de couh dwg daxboh gou. Daxboh raen gou coenz vah daih’ it couh gangj: “Gou daengz ceiz lo, mwngz caj nanz lai la?”

Gou naeuz: “Mbouj youqgaenj law, mwngz baenzlawz mbouj gang liengj ha, ndang cungj dumz lo!”

Daxboh riu naeuz: “Dumz couh dumz di lo, mbouj youqgaenj. Aen ci gou deng vaih lo, lij cuengq youq ndaw bouqdajcoih baihnaj hawj saefouh coih ne! Gou lau mwngz caj

nanz lai, couh gaenjmuenz buet daeuj, lumz gang liengj lo.”

Daxboh daengx ndang cungj dumz liux, buhvaq nem ndangnoh, gavaq ndeu gienj hwnjdaej, gavaq ndeu doek roengzljaj; raemxfwn riengz byoem caxcadcad daxboh rih daengz gwnz naj, de loq haep lwgda hwnjdaej, mbouj hawj raemxfwn rih haeuj lwgda bae. Aenvih ngamq buet gvaqdaej, daxboh cungj ngaebcaw yaek dai, baegfofo. Yawjraen daxboh yienghcej diuqgah, gou ndaeng miz di soemj, raemxda gwenxcancan, dangqnaj cungj dwg baenz benq ndiepgyaez daxboh. Daxboh cam gou baenzlawz lo, gou cix riu naeuz: “Mbouj miz maz saeh, daxboh, gou docih mwngz!” Daxboh yawjyawj gou, miz di daejsaekwk, lumjbaenz siengj gangj gijmaz, doeklaeng cix yawj gou haisim dwk riu lo.

Fwen vanzlij gig hung, rumz ci gvaqdaej daxboh miz di saenznit, hoeng gou cix roxnyinh raeuj-rubrub — gij ndiepgyaez raeujrub daxboh cingq duk gou hwnjdaej ne! Gwnz seiqgyaiq miz haujlai vunz haenh gij ndiepgyaez daxmeh, hoeng gig noix miz vunz haenhangj gij ndiepgyaez daxboh. Gizsaed, daxboh caeuq daxmeh doengzyiengh hungmbwk, dan dwg daxboh gij fuengsik gyaez lwg haenx, mbouj yungzheih deng vunz fatyienh. Bohgyaez hung lumj goengqbya, daxboh couh lumj “rinboh” ityiengh, mbouj gangj ndaejsaet, mbouj oksing itcig baujhoh “rinlwg”. Daxboh caenh naengzlig de daeuj ciengx gou gyaez gou. Bohgyaez hix lumj fwncin, ndaej nyinh fanhfaed, cingzeiq naekna ……

Ndaek “rinbohlwg” sawj gou ngeixniemh raixcaix haenx, sawj gou siengj sikhaek bae daengz henz ndang daxboh, yawj de gaeuqgaeuq bae, caiq saeqsim ngeixngeix gij bohgyaez raeujrubrub!

De naeuz, hoenx ciengq le diuz roen neix youh boih youh ancienz, ndaej doxlien diegnaj dieglaeng gyaudoeng dajyinh, seiz hozbingz doiq mbefat diegbya baihsaebak Guengjsae caemh miz bietaeu raixcaix. De caeuq gij goengdaeuz ndaw gih wnq, lai baez diemjcaz hong guh diuz roen neix, gipseiz gajgez gak cungj gannanz guh roen. Namzningz doeng coh Baksak diuz roen haenx, yaek doeng gvaq Gauhfungh’ au, danghnaeuz vunzdig caq aengemh neix nei, soujfuj doeng coh baihsae gij roen haenx cix gaz lo. Ciuq gij yigen de, swcigih gaenjgip guh diuz goengloh reguek daj Namzningz Si Sihyanghdangz lohgvag Vujmingz Ningzvuj ndeu okdaeuj, caeuq diuz roen Namzningz daengz Baekging haenx doxlien hwnjdaej. Gij goengloh reguek seizde guh haenx, miz mbanj duenhloh daegbied demgvangq demmaenh, vihliux fueng-bienh gvaqlaeng gij feihgih budui hwnjroengz. Gij goengloh Byacwx

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

caemh dwg seizhaenx guh baenz. Veiz Gozcingh naeuz, danghnaeuz hoenx ciengq. Byacwx diegneix haeuj ndaej gung, doiq ndaej souj, miz goengloh le, daengzcog ndaej guh baenz aen diegngonzyouz ndeu. 7 aen yienh henzbien (si) caeuq Yeznanz dox-rangh haenx, dingzlai dwg diegbya, gyaudoeng mbouj ndei, gij neix mboujdanh yiemzcungq gaz ginghci fazcanj, caemhcai qig mbouj ndei reguek. Daegbied dwg Cibfanh Byahung, Byabouxmeh caeuq gij dieg bienre Bwzbuvanh, diegsei q yung-yiemj raixcaix, dwg gij dieg youqgaenj vunzdig mbwndouz caeuq caegdoh

hwnj haenz haenx. Veiz Gozcingh naeuz, gij hong reguek gig muengh guh ndei gij gyaudoeng geij aen dieg neix haenx. Swcigih cix laemxsim haenq, gyaqvaiq suzdu caep roen diegrebien haenx, cij geij bi couh hawj gij goengloh daengx aen diegrebien haenx gihbwnj mbefat baenz aen muengx gyaudoeng ndeu.

Youq duenh neix, guekgya buet le bae cidaenzroen, cidoinamh, cigunghcwngz, cicanjyinh daengj gih-gai coih roen haenx hawj Guengjsae coih gij roen bwhhoenx, lij baij le bang vunzcai hhangz caeuq yaek fanh boux vunzhong caeuq song aen

bingduenz daeuj guh hong. Ginggvaq haemzhoj haenqguh, daj bi 1965 daengz bi 1970, Guengjsae gyonj guh baenz roen bwhhoenx caeuq giuzhung 146 aen hanghmoeg, roen raez 1657 goengleix, siumied baksok goengloh 23 giz, hwnjguh caeuq gajguh aengiuz goengloh 20 aen, gajcauh aengiuz yungyiemj 256 aen. Gijneix doiq dubmaenh fuengzre diegbien baih-namz guek raeuz, bang Yeznanz dingjhoenx Meijgoz, coicaenh song fueng hwnjguh ginghci, cungj miz gij yi yi youqgaenj raixcaix haenx.

(caengz sat)